

18 November 2025

समे .18:15 Hrs

<><><><><><>

Headlines

- राष्ट्रपति द्रौपदी मुर्मू होरें मुल्ये च पानी दे संरक्षण ते सुरक्षा गी यकीनी बनाने लेई किट्टे रलिये जतन करने दा आह्वान कीता।
- मुख्मन्त्री उमर अबदुल्ला होरें आखेआ ऐ जे आतंकी वारदातें गी अंजाम देने आहले कुसै बी व्यक्ति खलाफ सख्त कार्रवाई होनी लोडचदी पर सारे कश्मीरिएं पर आतंकिएं दा समर्थक होने दी तौहमत नेई लगनी लोडचदी।
- फौज दी उत्तरी कमान दे अध्यक्ष होरें उत्तरी कश्मीर च बन्ने कन्नै लगदे इलाकें च सुरक्षा स्थिति ते कारवाइएं सरबन्धी तैयारिएं दा जायजा लैता।
- काउंटर इंटेलीजेंस कश्मीर नै देश दुखतराने मिल्लत दे महिलाएं गी आतंकवाद लेई भर्थी करने दी इस साजश गी नाकाम करी दित्ता ऐ।
- दिल्ली धमाके दे बाद पुलस ते अस्पताल प्रशासन नै जम्मू दे एस.एम.जी.एस अस्पताल च बी डाक्टरें दे लॉकर चैक कीते ना।

<><><><><><>

Prez. Water Security

राष्ट्रपति द्रौपदी मुर्मू होरें पानी दी दस्तयाबी ते सुरक्षा यकीनी बनाने लेई सभनें गी किट्टे रलिये कम्म करने दी अपील कीती ऐ। उनें इस गल्लै पर जोर दित्ता कि जलवायु परिवर्तन अज्जै दे समें च धरती पर जल चक्र गी प्रभावित करा करदा ऐ। नमीं दिल्ली च 6में राष्ट्री जल पुरस्कार प्रदान करदे होई राष्ट्रपति होरें आखेआ कि देश लेई पानी दा सलीके सिर इस्तेमाल कीता जाना बड़ा जरूरी ऐ। उनें पुरस्कार पुरस्कार हासल करने आहलें गी जल संरक्षण लेई उंदे जत्तें दी सराहना कीती ते आखेआ जे पानी दा महत्व समझदे होई एहदी कदर करना हा, कुसै दा फर्ज ऐ। उनें आखेआ

इस मौके राजौरी जिले दे डिप्टी कमिशनर अभिषेक शर्मा होरें'गी जल संचय जन भागीदारी तैहत शानदार कारकरदगी लेई जल संचय जल भागीदारी सम्मान भेंट कीता गेआ।

<><><><><><>

CM-Sorrow

मुख्मन्त्री उमर अबदुल्ला होरें नोगाम पुलस थाने च होए दे धमाके च मारे गेदे लोकें दे परिवार आहलें कश जाइयै उंदे नै बसोस प्रगट कीता। उनें कदे नेई पुरे जाई सकने आहले नुकसान पर उन्दे नै हमदर्दी प्रगट कीती ते मारे गेदे लोकें दी आत्मा दी शांति लेई प्रार्थना कीती। उनें रब अगगे प्रार्थना कीती जे ओहू प्रभावित परिवारें गी

एह दुःख जरने दी समर्थ देऐ। मुखमंत्री होरें आखेआ जे इस हादसे नै पूरी ईमानदारी ते दलेरी कन्नै लोकें दी सेवा करने आहलें गी स्हाड़े शा खुस्सी लैता ऐ ते उंदा नुकसान समूलचे जम्मू-कश्मीर दा नुकसान ऐ।

<><><><><><>

CM-Terror-Module

मुखमंत्री उमर अब्दुल्ला होरें सफेदपोश आतंकी माङ्गूल ते दिल्ली कार धमाके च शामिल सभनें गी सख्त कोला सख्त सजा देने दी वकालत करदे होई आखेआ कि असेंगी इस गल्लै दा बी ध्यान रखना लोड़चदा जे बेकसूरें आम लोकें गी कोई परेशानी या नुकसान नेई झल्लना पवै। मुखमंत्री होरें एह गल्ल नोगाम पुलस थाने च होए दे बम्ब धमाके च घाऽल होए दे लोकें दी अस्पतालै च डौल पुच्छने दे बाद पत्रकारें कन्नै गल्ल करदे होई आखी।

उमर अब्दुल्ला होरें पिछले हफ्ते बी आखेआ हा जे दिल्ली च लाल किले कश होए दे कार धमाके दे कसूरवारें खलाफ सख्त कारवाई होनी लोड़चदी पर इस गल्लै पर चेचा जोर दित्ता हा जे जम्मू-कश्मीर दे सभनें लोकें दे मत्थे पर आतंकवाद दा समर्थक होने दा ठप्पा नेई लाया जा।

<><><><><><>

Army Commander LoC Visit

फौज दी उत्तरी कमान दे अध्यक्ष लेफ्टिनेंट जनरल प्रतीक शर्मा होरें नियंत्रण रेखा पर घुसपैठ गी रोकने ते आतंकवाद दा मकाबला करने सरबन्धी कारवाइएँ गितै तैयारिएँ ते बंदोबस्तें दा जायजा लैने लेई उत्तरी कश्मीर दे बन्ने कन्नै लगदे इलाकें दा दौरा कीता। इक रक्षा प्रवक्ता नै जानकारी दित्ती जे दौरे दुरान कमान अध्यक्ष होरें अगेत्रें इलाकें च तैनात बलें कन्नै गल्लबात कीती ते उंदा हिम्मत, दलेरी, निष्ठा, पेशेवराना सलाहियत ते देशभक्ति दे जज्बे दी सराहना कीती जेह्दे सीमाएं दी राखी लेई दिन-रात सौहार्द-सतर्क होइयै डटे दे रौहंदे ना। उनें सैनिकें गी आखेआ जे ओहू इस्सै जज्बे कन्नै अपनी ज्यूटी अंजाम दिंदे रौहन् ते भविक्ख दिएं चुनौतिएं लेई तैयार नमिएँ तकनीकें गी अपनाने लेई प्रेरित कीता।

<><><><><><>

Aroma-Mission

सी.एस.आई.आर ट्रिपल आई.एम आसेआ जम्मू जिले दे भलवाल ब्लॉक दे सेरी पंडतां ग्रांऽ च अरोमा मिशन तैह्त्त महिलाएं लेई इक सिखलाई कैंप दा सरिस्ता कीता गेआ। महिलाएं लेई विज्ञान सभनें दी तरक्की इस विषयसार कन्नै लोआए गेदे 2 रोजा इस कैंप च सेरी पंडतां दिएं 10 महिलाएं गी धूफ, अगरबत्तियां तैयार करने कोला लेइयै उंदा पैकिंग तगर पूरी सिखलाई दित्ती जा'रदी ऐ। इस कार्यक्रम दा मकसद नशामुक्त भारत ते पुंछ गी बढ़ावा देने दे मकसद कन्नै शिक्षा विभाग पुंछ नै ग्रामीण महिलाएं दा सशक्तिकरण ऐ जेह्दे तैह्त्त उनेंगी सिखलाई देइयै हुनरमंद बनाइये अपने पैरें पर खडोने दे काबल बनाया जंदा ऐ।

<><><><><><>

CIK-Searches

काउंटर इंटेलीजेंस कश्मीर (सी.आई.के) नै मंगलवार बडुलै इक नमें आतंकी भर्ती मामले दी जांच दे सिलसिले च श्रीनगर, अनंतनाग ते कुलगाम सने घाटी च केई थाहें पर छापेमारी शुरू कीती। अधिकारिक सूत्रें दसेआ जे छापेमारी इक नमें दर्जे मामले कन्नै जुड़ी ऐ जिस च आतंकवाद गी बढ़ावा देने, आतंकवादी हिंसा दा गुणगान करने ते महिलाएं गी आतंकी समूहें च भर्ती लेई कट्टरपंथी बनाने दी कोशिश करने दे आरोपी लोकें कन्नै जुड़े दे मामले शामिल ना। सूत्रें दस्सेआ जे श्रीनगर दे शिरीन बाग स्थित सुपर स्पैशिलिटी अस्पताल दे अंदर बी तपाशी चला'रदी ऐ। एह कार्रवाई अदालत आसेआ जारी तपाशी वारंट तैह्त् कीती जा'रदी ऐ।

<><><><><><>

Lockers-Checked

जम्मू दे शालामार स्थित श्री महाराजा गुलाब सिंह अस्पताल च अज्ञात ते लावारिस लॉकरें दी पंछान लेई पुलस ते अस्पताल प्रशासन नै कर्मचारियें ते डाक्टरें दे लाकरें दी जांच कीती। श्री महाराजा गुलाब सिंह अस्पताल दे चिकित्सक अधीक्षक आसेआ सिंह होरें दस्सेआ जे अस पैहले कोला गै एहू कम्म करा रदे हे, मगरा दिल्ली धमाके दे बाद इसी होर तेज करी दित्ता गेआ ऐ। इस लेई 4 सदस्यें दी इक समिति बनाई ऐ। उनें आखेआ

<><><><><><>

Samba-Sanitary Pads

साम्बा दी जिला विकास आयुक्त आयुषी सूदन होरें नाबार्ड ते एन.ए.बी फाउंडेशन दी आजीविका ते उद्यम विकास कार्यक्रम परियोजना तैह्त् साम्बा जिले च My pad my right नांस दे सैनीटरी पैड इकाइयें दा शुभारम्भ कीता। इस कार्यक्रम च मुख् चिकित्सा अधिकारी, मुख् पशुपालन अधिकारी, एल.डी.एम, जेके ग्रामीण बैंक दे क्षेत्रीय प्रबंधक, जेएण्डके बैंक दे प्रतिनिधि ते केई स्वयं सहायता समूह दी महिलाएं सने साम्बा जिले दे अधिकारियें हिस्सा लैता। कार्यक्रम दा आयोजन नाबार्ड ते N.A.B Foundation फाउंडेशन क्रिस्तु-ज्योति, सोशल वेलफेयर सोसायटी दे सहयोग कन्नै कीता हा। मती जानकारी दिंदे होई साम्बा दी उपायुक्त आयुषी सूदन होरें आखेआ

<><><><><><>

Poonch NashanMukt

नशामुक्त भारत अभियान दी 5मीं बरेगंड पर इक बडु पैमाने पर जागरूकता रैली कडुी। पी.एम श्री देगवार स्कूल थमां मालती ब्रिगेड तोड़ी कडुी गेदी इस रैली च नियंत्रण रेखा पर नशीले पदार्थें दी तस्करी दी बददी चैंता च लौ पाई। रैली गी पुंछ दे मुख् शिक्षा अधिकारी मुख्तार मन्हास होरें हरी झंडी दस्सियै रवाना कीता। इस कार्यक्रम च छात्रें, शिक्षकें ते समुदाय दे सदस्यें सक्रिय रूप कन्नै हिस्सा लैता। कार्यक्रम च बोलदे होई सी.ई.ओ मुख्तार मन्हास होरें आखेआ

<><><><><><>

वरिष्ठ पत्रकार ओ.पी शर्मा होरें मंग कीती ऐ जे जम्मू ते श्रीनगर शैहरें च मेट्रो रेल सेवा शुरू करने दी प्रक्रिया च तेजी आंदी जा जेहदा वायदा केंद्र सरकार नै जम्मू-कश्मीर दे लोकें कन्नै क्या पैहले दा कीते दा ऐ। उनें आखेआ जे इनें दौनें शैहरें दी अबादी ते इत्थै गड्डिएं दे रश करी पेश औने आहिलिएं दिक्कतें गी ध्यानै च रखदे होई एह बड़ा जरूरी ऐ ते इत्थे मेट्रो सेवा शुरू कीती जा। जारी अपने इक प्रेस बयान च ओ.पी शर्मा होरें आखेआ जे मुख्मन्त्री उमर अब्दुल्ला होर बी इस गल्लै पर राजी होए हे जे ओह जम्मू-कश्मीर च मेट्रो परियोजना शुरू करने दा मामला केंद्र सरकार कन्नै पुट्टडन ते इत्थै सड़क ट्रांसपोर्ट बवस्था च बेहतरी आहनने लेई लोड़चदे उपाऽ करडन।

<><><><><><>